

ea prorsus fides adhibeatur indubia, quae
ipsis originalibus literis adhiberetur, ubi-
cumque essent exhibitae, vel ostensa.

Nulli ergo, &c.

Dat. P. A. 4.
die 4 Jun.

Datum Romae apud Sanctum Petrum,
Anno Incarnationis Dominicae, millesimo
quingentesimo septimo, Pridie Nonas Ju-
nii, Pontificatus nostri Anno IV.

XVII.

Approbatio gratiarum, & privilegiorum
a Pontificibus, Imperatoribus, & aliis
concessorum Congregationi Monacho-
rum Vallis Umbrosae Ordinis S. Benedi-
cti: Et communicatio quarumcum-
que gratiarum, & indulgentiarum quoquo-
modo Congregationi Cassinensi Mona-
chorum ejusdem Ordinis concessorum, &
concedendorum.

Istam Congregationem approbavit Urban. II.
Supra in ejus Const. VIII. Cum universis,
pag. 69. Tom. II.

JULIUS EPISCOPUS
SERVUS SERVORUM DEI

Ad perpetuam rei memoriam.

Exordium.

Militanti Ecclesiae regimini disponen-
te Domino presidentes ex commissio
nobis Pastoralis officio inducimur, ut his,
quae pro Religiosorum quorumlibet in hu-
militatis spiritu Domino pie famulantium
felici successu a Sede Apostolica concessa
sunt, nostrae approbationis munimine favo-
rabili roboremus, ut eo firmiter substi-
stant, quo Sedes ejusdem auctoritate sepius
fuerint circumfusa, ac etiam alia de novo
ex Sedis ejusdem benignitate concedamus,
prout eidem Religionis, & alias in Domi-
no conspiciamus salubriter expedire.

Urb. II. & alii
Pontifices, di-
versa privile-
gia Congrega-
tioni Vallis
Umbrosae con-
cesserunt.

§. 1. Sane pro parte dilectorum filio-
rum Blasii Abbatis Monasterii B. Mariae
Vallis Umbrosae Fesulan. Diocesis, & De-
finitorum Ordinis, & Congregationis ejus-
dem Vallis Umbrosae, nobis nuper exhi-
bita petitio continebat, quod alias felices
recordationis Urbanus II. Urbanus III.
Pasqualis II. Innocentius II. Innocent. III.
Innocentius VII. Coelestinus II. Coelesti-
nus III. Gregorius VIII. Bonifacius VIII.
& quamplures alii Romani Pontifices praede-
cessores nostri Monasterii Ordinis Reli-
gionis, seu Congregationis praedictorum,
illorumque membris, ac Monachis, & per-
sonis eorundem, multa, & diversa privi-
legia, indulta, & immunitates conce-
serunt, prout in literis ipsorum praedecef-
sorum plenius dicitur contineri.

Abbas Gene-
ralis, & Defi-
nitor modo
supplicavit pro
eorum confir-
matione, &
etiam pro co-
municacione
omnium gra-
tiarum Cong-
Cassinensis.

§. 2. Quare pro parte Blasii Abbatis,
qui ut asseritur etiam Generalis Ordinis,
& Congregationis praedictorum existit, ac
Definitorum praedictorum asserentium,
quod Monasterium Religionis, seu Con-
gregationis hujusmodi Abbates, & Mona-
chi juxta eandem Regulam, & observan-
tiam Regularem dilectorum filiorum Mo-

nachorum Congregationis S. Justinae alias
Cassinensis. Ordinis S. Benedicti reguntur,
nobis fuit humiliter supplicatum, ut pro
eorum subsistentia firmiori robore nostrae
approbationis adiacere, ac illa innovare,
eisdemque modo, & forma, quibus con-
cessa sunt de novo concedere, necnon in-
frascriptorum tenorem, & quaecumque
alias pia memoriae Eugenii IV., & Ale-
xandri VI., ac quorumcumque aliorum
Romanorum Pontificum, etiam praedecef-
sorum nostrorum literas eidem Congrega-
tioni S. Justinae, alias Cassinensis, concessas,
& in illis contenta, ac alia privilegia, im-
munitates, indulgentias, & indulta qua-
cumque eidem Congregationi S. Justinae,
seu Cassinensi, & illius Monasteriis, Mona-
chis, & personis, per Sedem eandem quo-
modolibet concessa, ad Ordinem, & Con-
gregationem Vallis Umbrosae hujusmodi,
ac ad illius Monasteria, & loca, & perso-
nas, & bona extendere, aliaque in praem-
issis opportune providere de benignitate
Apostolica dignaremur.

Hic modo
Pont. appro-
bat omnia pri-
vilegia Cong-
Vallis Umbro-
sae a Praedecef-
soribus, Impe-
ratoribusque,
Regibus, & Prae-
latis, ac aliis
concessa, &
iterato eadem
concedit.

§. 3. Nos igitur qui Ordinem, & Con-
gregationem Vallis Umbrosae hujusmodi,
propter uberes fructus, quos in militanti
Ecclesia in divinis contemplandis, & assi-
duis orationibus, ac precibus ad Deum
producere noscuntur, in visceribus cari-
tatis, & dilectionis nostrae complectimur,
Blasium Abbatem, & Definitores, necnon
Ordinem, & Congregationem Vallis Um-
brosae hujusmodi, ac ejusdem Ordinis, seu
Congregationis singulares personas, a qui-
busvis excommunicationis, suspensionis,
& interdicti, aliisque Ecclesiasticis senten-
tiis, censuris, & poenis, a jure, vel ab homi-
ne, quavis occasione, vel causa latis, si
quibus quomodolibet innodati existunt, ad
effectum dumtaxat praesentium consequen-
dum, harum serie absolventes, & absolu-
tos fore censentes, necnon privilegiorum,
libertatum, immunitatum, & indulgentiarum,
tam per dictos praedecessores, quam Impera-
tores, Reges, & alios Principes saeculari-
um, ac Praelatos quoscumque eidem Or-
dinibus, & Congregationibus, ac illorum
Monasteriis, locis, bonis, & personis con-
cessorum tenores, qui praesentibus non
sunt inserti, ac si de verbo ad verbum in-
fererentur eidem praesentibus pro expressis
habentes, privilegia, indulta, immunita-
tes, & libertates Ordinis, seu Congrega-
tionis Vallis Umbrosae per praedecessores,
ac quatenus sint licita, & honesta, per
Imperatores, Reges, & Principes, & Prae-
latos praedictos concessa, ac prout concer-
nunt, omnia, & singula in literis Pontifi-
cum, Imperatorum, Regum, & Princi-
pum saecularium, & Praelatorum praedictorum
desuper confectis contenta, innovamus,
approbamus, & confirmamus, ac
praesentis scripti patrocinio communimus,
supplentes omnes, & singulos defunctos, si
qui forsitan in privilegiis per Imperatores,
Reges, & Principes saeculares, & Praelatos
praedictos concessis intervenerint, illaque
omnia eidem modo, & forma quibus con-
cessa sunt, de novo concedimus.

§. 4. Nec-

Gratiasque
omnes Cong-
regat. Cassi-
nen. concef-
sas & conce-
dendas eidem
Congr. Val-
lis Umbrosae
communicat.

§. 4. Necnon literas Eugenii, & Ale-
xandri infra scriptas, ac quasvis alias ipso-
rum, ac quorumcumque aliorum praede-
cessorum nostrorum literas hujusmodi, &
in illis contenta, necnon privilegia, im-
munitates, indulgentias, & indulta que-
cumque, & quaecumque sint, Congre-
gationi Sanctae Justinae, & illius Monachis
praedictis, tam per dictos, quam quos-
cumque alios Romanos Pontifices quo-
modolibet in genere concessas, & concef-
sa, ac in posterum concedendas, & con-
cedenda ad Ordinem, & Congregatio-
nem Vallis Umbrosae, ac illius Monaste-
ria, & Monialium loca, ac personas,
& bona praedicta eadem auctoritate ex-
tendimus, ac statuimus, & ordinamus,
quod Ordo, & Congregatio Vallis Um-
brosae hujusmodi illis absque ulla penitus
differentia, uti, potiri, & gaudere, eaque
omnia, & singula inter ipsos communia
esse, & eis suffragari debere in omnibus,
& per omnia, perinde ac si illa eidem
Ordini, & Congregationi Vallis Umbrosae
communiter a principio concessa fuissent,
& in futurum concederentur.

Contrariis
derogat.

§. 5. Non obstantibus praemissis, ac
Constitutionibus, & Ordinationibus Apo-
stolicis, necnon Congregationum, & Or-
dinum praedictorum, juramento, confir-
matione Apostolica, vel quavis firmitate
alia roboratis, statutis, & consuetudinibus,
ac privilegiis, & indultis, Ordinibus,
ac Congregationibus praedictis forsitan sub
quibuscumque tenoribus concessis, quibus
tenores hujusmodi praesentibus pro suffi-
cienter expressis habentes illis alias in suo
robore permanentibus, hac vice dumtaxat,
harum serie, specialiter, & expresse de-
rogamus, ceterisque contrariis quibus-
cumque.

Dat. P. A. 4.
die 15. Julii.

§. 6. Et insuper quia difficile foret &c.
Nulli ergo &c.
Si quis autem &c.
Datum Romae apud Sanctum Petrum,
Anno Incarnationis Dominicae millesimo
quingentesimo septimo, Idibus Julii, Pon-
tificatus nostri Anno quarto.

XVIII.

Contra occultantes, vel retinentes scrip-
turas, ad Reverendam Cameram spe-
ctantes.

JULIUS PAPA II.

Ad futuram rei memoriam.

Causa hujus
Constit.

CUM sicut accepimus, in nostra Ca-
mera Apostolica saepe contingat, ut
libri, codices, & scripturae ipsius Came-
rae, diversae res, & negotia concernentes,
per Ministros, & Officiales ipsius Camerae,
& alios recipiantur, & per eos videantur,
& examinentur, qui, & quae ad ipsam
Cameram, & loca in ea deputata non
reportentur ex incuria, sive negligentia,
vel alia quavis causa, ita ut libri, & scrip-
turae hujusmodi, aliter reperiri non possint,
Tom. III. Par. III.

in grave damnum, & praedictum ipsius
Camerae.

§. 1. Super iis igitur providere inten-
dentes, dilectis filiis dictae Camerae Praesi-
dentibus, & Clericis, ac Notariis, & Of-
ficialibus, ac Ministris, omnibusque aliis
& singulis, cujuscumque gradus, & di-
gnitatis fuerint, sub excommunicationis
poena latae sententiae, a qua nisi a nobis
& successore nostro praeterquam in mortis
articulo constituti absolvi non possint,
praesentibus praecipimus, & mandamus,
quatenus omnes, & singulos libros, co-
dices, registra, bastardello, & alias qua-
cumque scripturas, & documenta, tam
publica, quam privata, ad ipsam Came-
ram quomodocumque spectantia, a dicta
Camera, vel aliunde quomodolibet ha-
bita, & extracta debeant infra octo dies
proxime sequentes, in dictam Cameram
reportasse, ac in eadem retinuisse, de-
disse, & assignasse, coram Notario, &
duobus, sive uno ex dictis Clericis ipsius
Camerae, & illa sic reportata, & assigna-
ta, describi, & annotari in dictis libris
Camerae fecisse.

Excommuni-
catio detinen-
tium libros,
& scripturas
R. Cam. Ap.

§. 2. Necnon ex nunc in antea, nullus
ex praedictis aut aliis quicumque, ullos
libros, sive scripturas, quae in dicta Ca-
mera reservari debent, apud se ullatenus
habere, & retinere, ultra terminum de-
cem dierum, postquam a dicta Camera
illa receperit, absque speciali mandato,
& licentia dictorum Praesidentium, &
Clericorum, audeant, vel praesumant, de
qua quidem licentia, sive mandato spe-
ciali, particularis notatio in libris Ca-
mera fieri debeat. Alioquin elapsis dicto
termino non parentes, sive contrafacien-
tes, sciant se majoris excommunicationis
sententiam incurrisse, quos, ut tales ex
nunc, prout ex tunc, auctoritate Aposto-
lica per praesentes declaramus. Contrariis
non obstantibus quibuscumque.

Et in futurum
eas amoven-
tium & non
reportantium.

Placet & ita Motu proprio mandamus.

Papae subscri-
ptio.

Datum Romae apud S. Petrum xv. Kalen.
Sept. Anno quarto.

Dat. P. A. 4.
die 25. Aug.

XIX.

Institutio Collegii Scriptorum Archivi
Romanae Curiae Notariorum in Causis
Commisariis in Urbe, apud Judices
proprios Notarios non habentes. Et
concessio facultatis creandi alios Nota-
rios, ac legitimandi Bastardos.

JULIUS EPISCOPUS
SERVUS SERVORUM DEI

Ad perpetuam rei memoriam.

Sicut prudens paterfamilias ad lauda-
bilem dispensationem gloriosumque
regimen familiae suae domus, rectitudinem-
que vivendi operosis virtutum studiis in-
tendit, ac cuncta quae profutura sunt at-
tentae considerationis indagine perscruta-
tur,
P p a tur,

Procurator.

tur, & sani maturitate consilii circumscriptis diligenter, normam præbens illi semper, & ordinem cum honestate, iustitia, & sincera ratione vivendi, ut exclusis vitiis, erroribusque undique evulsis in ea splendida virtutes plantentur, & inferantur, quæ assiduum fructum afferant honoris, laudis, & famæ, ita Romanus Pontifex qui dominici gregis superna sibi præordinatione commisit curam agere, studet, ad quæ certa ratione iubente actus dirigens, in primis Ecclesiam Dei universam, cuius caput Romana Ecclesia esse dignoscitur, legibus, constitutionibus, moribus, & decretis summa diligentia, vigilantia indefessa, & ordinatione irreprehensibili, ac stabili, dirigere, instituere, & stabilire conatur, ut prolapsa reducantur, excessiva corrigantur, defectus suppleantur, errata emendentur, & deinde quæque aliæ Ecclesiæ præsertim in Beati Apostolorum Principis, cuius successor est, honorem dicatæ, instaurentur, & deorentur, ac expulsa infidelium nefandorum Turcarum rabie, eorumque temeritate repressa, fides orthodoxa vigeat, propagetur, omniaque, eo concedente a quo omne datum optimum, & omne donum perfectum affluit, ad probatissimum ordinem, & semitam rectam perducantur.

Causa hujus
Consist.

§.1. Sane non sine maxima animi displicentia ex diversorum fidelium querelis, ac iudicium, & aliorum officialium relatione pluries accepimus, quod in Romana Urbe, ad quam velut ad communem periclitantium portum Christianus Orbis confluit, propter Notariorum, & aliorum Scripturarum conscientiam diversitatem, sive dolum, aut ignorantiam, & incuriam, vel eorum a Romana Curia recessum quam plurimæ falsitates, & fraudes committuntur, res aliter scriptæ quam actæ reperiuntur, Protocolla, & originalia deperduntur, ultimæ voluntates non exequuntur, damna, & incommoda fidelibus irrogantur, aliaque scelera, inimico humanæ naturæ instigante, perpetrantur, ac super fraudibus, falsitatibus instrumentorum, & aliarum scripturarum huiusmodi, aut eorum suspicione, lites, & controversiæ, in iudiciis, & tribunalibus Curiarum dicte Urbis assidue vertuntur, in divinæ majestatis, & Apostolicæ Sedis offensam, Ecclesiarum, pupillos, & viduarum spoliationem, fideliumque prædictorum, ac totius reipublicæ detrimentum, & iacturam.

Institutio
Collegii scrip-
torum Ar-
chivii Rom.
Curie.

§.2. Nos igitur ejusdem pastores, licet immeriti, divina dispositione effecti, cupientes huiusmodi fraudibus, damnis, & erroribus obviare, Ecclesiarum opportunitatibus consulere, & infidelium prædictorum immanitati resistere, considerantes, quod si aliquis Officialium certus numerus, sub certis & honestis conditionibus, habita personarum consideratione, institueretur, per quos instrumenta, & Scripturæ præfatæ conficerentur, seu alias expedirentur, & ista sic expedita publice

in Archivio, & monumentis authenticis redigerentur, ordo debitus in illorum, confectio rectius observaretur, scandalis, fraudibus, & sceleribus huiusmodi obviaretur, & securitati contrahentium, testantium, & alias disponentium, ac litigantium salubriter consulere, ipsique officiales honore, & præmio allecli, adhibita exercitatione periti efficerentur, & quæ ad eorum officium spectarent, diligenter exercerent, super his cum fratribus nostris Sanctæ Romanæ Ecclesiæ Cardinalibus communicato consilio, maturâ deliberatione, ac eorum assensu, ex certa scientia, ac de Apostolica potestatis plenitudine, Collegium centum, & unius virorum, qui Scriptores Archivii præfatæ Romanæ Curie nuncupentur perpetuo creamus, erigimus, & instituimus, qui exercitium, & officium eius commissum per se ipsos exercere debeant, non autem per substitutos, cum illorum sit electa persona, ut desiderio nostro, & eorum officio satisfiat.

§.3. Et in primis omnia confessionalia quæ a nobis, vel a successoribus nostris Roman. Pontificibus pro tempore, existentibus, aut de nostro, vel illorum mandato de cetero quibuscumque personis, cuiuscumque gradus, status, ordinis, aut præminentie fuerint per solam signaturam conceduntur, propria eorum manu scribant.

§.4. Ac eo ipso quod ad huiusmodi officia assumpti fuerint, absque alia creatione Notarii legitimi existant, & pro talibus habeantur, qui de omnibus contractibus, & ultimis voluntatibus per quoscumque, & inter quoscumque, & super quibusvis spiritualibus, beneficiis, aut profanis rebus deinceps faciendis rogari, & super eis instrumenta conficere possint, eorumque rogatis, plena, & indubia fides adhibeatur, perinde ac si legitime, ut moris est Notarii creati forent, præfatis prius juramento confecto in manu Defensoris, vel unius ex Correctoribus de eo fideliter exercendo.

§.5. Habeantque Archivium publicum & locum decentem in Palatio Apostolico. Et in eorum libris authenticis omnes notas acceptationum, compositionum, transactionum, testamentorum, codicillorum, arrendamentorum, locationum, permutationum, venditionum, compromissionum, arbitramentorum, donationum, processuum, & aliorum contractuum, & instrumentorum, aliarumque scripturarum, tam inter vivos, quam in ultima voluntate, quæ tam per quoscumque alios notarios & tabelliones in præfata Romana Curia inter Curiales, vel Curiales & Romanos tantum, etiam per Notarios Romanos de contractibus Curialium rogatos. His expresse dumtaxat exceptis, quæ inter cives Romanos originarios & Romanos parentibus ortos, non autem ex privilegio ascitos, & quæ in Curia Urbis, & eorum Tribunalibus, vel Auditorio nostro, & Camera nostræ per

Qui confessionalia concedenda scribant.

Notarii publici sint.

Archivium habent & locum in Palatio, & registrant notas instrumentorum ad eos deferendorum a notariis Curie.

per ipsorum Notarios perpetuos, qui etiam officiales Sedis Apostolicæ existunt, in pertinentibus, & spectantibus ad eorum officium, vel apud acta, & vigore causarum coram eis vententium per se, vel eorum substitutos, per eorum tamen principales Notarios, & Auditores approbatos, quod causas, & judicialia acta, & ab ipsis dependentibus tantum, vel alias per originarios Notarios proprios in rebus, & negotiis, & materiis, in quibus ratione sui officii, vel alias rogari soliti sunt, & consueverunt, non autem in diversis, & insolitis, ac testamentis, donationibus, & ultimis voluntatibus quibuscumque, de quibus si in posterum rogati fuerint, teneantur portare notas, ut ceteri Notarii non officiales perpetui, quibus officiales supradictos in præmissis omnibus, ad tollendum causas querelarum, & aequales fore censens, scribere debeant, & ad verbum registraré, & notas ipsas originales sic registratas a tergo per Correctores infra scriptos parti restituere.

Alii quam matriculati a Collegio in Urbe instrumenta rogare non possunt.

§.6. Teneanturque omnes alii Notarii legitime creati, & pro legitimis habiti qui in Urbe, & Curia existunt, cuiuscumque conditionis fuerint, qui officium Tabellionatus exercere intendunt, in quibus licere volumus de quibusvis instrumentis posse rogari, dummodo antea per dictos Correctores examinati, & in Archivio velut in materia descripti, & pro legalibus, & authenticis approbati fuerint. Alias nisi examinati, descripti, & approbati extiterint, ut præfertur de aliquibus contractibus in Urbe, vel ejus suburbiis ad decem milliaria circa Urbem, aut Curiam præfatis rogari nequeant, & si rogati fuerint, ut falsarios puniri volumus, & eorum notis nullam fidem in iudiciis, aut extra adhiberi. Infra octo dies notas testamentorum, & aliorum instrumentorum omnium, de quibus rogati fuerint a die rogatus numerandos manu eorum subscriptas cum vero protocollo concordantes, cum testibus, & loco, ad huiusmodi registrum, seu archivium deferre, aut deferri curare, aut quocumque tempore veritas constare possit, et cum oportuerit de illa doceri, nisi partes contrahentes, vel alias disponentes contractus, testamenta, aut instrumenta alia publicari noluerint, sed secreta teneri, quo casu fieri debeat per dictos Correctores liber secretus, in quo tales notæ registrantur per aliquos ex dictis Scriptoribus per eisdem Correctores eligendos magis idoneos, fideles, et approbatos, dictusque liber remaneat penes unum ex dictis Correctoribus totius Collegii iudicio approbatum, vel si magis parti videbitur, deferatur ad Archivium nota vel instrumentum clausum, & signatum per dictos Scriptores inviolabiliter conservandum, usque ad tempus quo illorum publicatio fieri debebit.

Protocolla Notariorum defunctorum etiam Romæ.

§.7. In quo etiam Archivio protocol- la Notariorum sine filii paternum exercitium exercentibus, vel exercere volen-

tibus defunctorum in futurum, tam contractuum, et ultimarum voluntatum, quam actorum judicialium, testium, et sententiarum in Urbe, tam Romanorum quam Curialium officialium deponi, et signari debeant pro conservatione iurium, et indemnitate partium, et ne pereat memoria gestorum, possitque veritas quandocumque reperiri, de quorum protocol- lorum, et in breviturarum lucris, & emolumentis inde provenientibus medietas hæredibus fideliter assignari debeat infra mensem per receptorem dicti officii, qui pro tempore erit, si certum habent hæredem tales defuncti. Exceptis tamen protocollis, et in brevituris causarum, vel processuum, aut contractuum officialium Notariorum, quæ una cum officiis vendi consueverunt, et vendita fuerunt, quæ in emptores libere transeunt, ut prius, et quoad ipsos nil novatum intelligatur, ne officiorum conditio deterior fiat per præmissa.

§.8. Similiter cum in dicta Urbe totius Orbis causæ agitentur, expeditaque decisarum causarum, una cum processibus de illis habitis, & iuribus originalibus productis memoriam fideliter conservari, cum de illarum perditione continuæ querelæ oriantur, & partibus irreparabilia damna quandoque inferantur, teneantur, & debeant omnes Notarii Palatii Curie causarum Camera Apostolicæ, Gubernatoris, Vicarii, Commissariorum, ac Camera Apostolicæ, omnia, & singula registra in quacumque forma causarum, quæ coram eorum Dominis, & Auditoribus versæ, & agitæ fuerunt, decisarum & finitarum per sententiam definitivam, & transitum in rem iudicatam quomodolibet super quibus causæ restitutionis non pendant, vel declarationis, & in quibus per biennium post rem iudicatam, vel datas executoriales literas nil factum reperitur in iudicio, sub poena excommunicationis latæ sententiæ, a qua non possint nisi a nobis, prævia satisfactione, vel successoribus nostris absolvi, & privationis officii, in dicto Archivio Romanæ Curie fideliter conservanda, & custodienda deponere, & assignare præfatis Correctoribus, & aliis deputatis officialibus. De quibus quidem iuribus & registris per dictos Scriptores fidele inventarium fieri, & teneri debeat, & ad mandatum dominorum Auditorum, vel aliorum iudicum, ad quos spectat, ex officio, vel ad partium habentium interesse instantiam, absque aliqua solutione a partibus exigenda, libere, & absque mora in iudicio vel extra restituere.

§.9. Ex quibus quidem Scriptoribus prædictis, decem magistros, Correctores nuncupatos, instituimus, de quorum numero, ratione jurisdictionis ordinariæ Romanæ Curie, sint, & esse intelligantur Auditor Causarum Camera Apostolicæ generalis, (qui etiam dicti officii defensor existat post Camerarium, & Vicecancellarium nostros, quos principales Defensores, & Protectores dicti officii esse volu-

habentium filios Notarios assignentur in Archivio.

Registra, & processus causarum in Curia finitarum ad Archivium pertinent.

Correctores decem instituantur ex præfatis Scriptoribus, qui alios admittendos examinent &c.

volumus) pro tempore existentes, si dictum officium exercere voluerint, & unus ex dilectis filiis dictae Camerae Clericis. Reliqui vero octo Praelati aut in dignitate ecclesiastica constituti, & graduati in aliquo iurium ecclesiastici existant, ad quorum officium spectet Scriptores ipsos ad huiusmodi onus assumendos examinare, & negligentes corrigere, ac processus omnes gratiarum expectatarum, quae non sunt in forma pauperum, vel in forma dignum, quantum executio de necessitate in partibus committitur, atque processus quoscumque aliarum provisionum, vigore literarum Apostolicarum, etiam Poenitentiarum nostrae faciendae, fulminant & decernant, expresse mandantes dilectis filiis Abbreviatoribus, & Scriptoribus Apostolicis, ut in confectione literarum Apostolicarum ipsis processibus unus ex eis ad minus Iudex adhibeatur, & quatenus in bulla non fuerit nomen alicuius ex eis expressum, ex tunc in antea intelligatur appositum, possitque & debeat dictos processus, perinde ac si expresse adhibitus esset, fulminare, & decernere, qui non nisi in loco officii, vel coram aliquo ex dictis Scriptoribus processum decernere possit. Nec liceat cuiquam alteri in dicta Curia processus decernere, quin per aliquem ex dictis Scriptoribus subscribatur, & publicetur, cum signo, & subscriptione propria, ac appensione sigilli officii. Illis processibus dumtaxat exceptis, quorum literae gratiam, seu iustitiam concernentes, diriguntur alicui ex dilectis filiis causarum Palatii nostri, & Camerae praefatae Auditoribus, seu eorum Locatenentibus, aut aliis ordinariis vel delegatis Iudicibus non inferioribus Episcopis in Romana Curia residentibus, quibus etiam licere volumus processus decernere, dummodo quoad ipsos Episcopos, & Praelatos processus huiusmodi per unum ex dictis Scriptoribus subscribatur. Necnon copias, sive notas instrumentorum, ac sumpta ex ipso Archivio extrahenda, auscultare, & approbare cum subscriptione manus propriae, iuxta morem habens verbis, videlicet, Sumptum ex registro Scriptorum Archivi Romane Curiae, & auscultatum per me N. illius magistrum Correctorem, & concordat. Quae nota, & sumpta extendi nihilominus debeant per proprios Notarios si super fuerint, vel dictae Camerae Auditorem Romane Curiae Iudicem ordinarium, vel etiam per unum ex dictis Notariis, sive Scriptoribus Archivi, cum approbatione Correctoris, prout partibus videbitur. Ipsisque instrumentis, vel sumptis stetur, & eis fides indubia adhibeatur in iudicio, & extra, quoad contenta in eis, perinde in omnibus, & per omnia, ac si per Notarios originarios inde rogatos data fuissent.

Collegium creat notarios.

§.10. Possitque Collegium ipsum per eorum Correctores, & Clericos deputandos per eum, creare Notarios undecumque venientes, cuiuscumque nationis, &

creatos per alios, exceptis officialibus perpetuis, volentes tabellionatus officium in Urbe, & districtu eius exercere, examinare, & repertos insufficientes ab exercitio dicti officii, perpetuo vel ad tempus, suspendere vel privare, & idoneos approbare, & in matricula & Archivio describere, ita quod per eos non approbati, neque descripti officium Tabellionatus huiusmodi exercere, & in Urbe, vel eius districtu minime possint, & si temere se immiscuerint, eorum rogitis, & instrumentis nulla fides adhibeatur, ut supra dictum est, & poenis subscriptis subiacent.

§.11. Valeat etiam dictum Collegium legitimare Manferes, & Bastardos, in Urbe & toto dominio Romanae Ecclesiae mediate vel immediate subiecto, ac ubicumque nos ac successores praedictos redire contigerit, cum clausula consueta, Sine praedictis &c.

§.12. Adhibeanturque interpretes testium, processuum, instrumentorum, & scripturarum, in omnibus causis, & negotiis, quae in Romana Curia geruntur, in quibus interpretes assumuntur ad electionem partium, & praedictis convenientem mercedem arbitrio Auditoris, sive Iudicis causae moderandam accipiant. Ita tamen quod inter dictos Scriptores sint aliqui, qui idioma, de quo fieri debet interpretatio, intelligant, & explanare, & interpretari valeant intelligibiliter.

§.13. Sintque dicti Scriptores Notarii omnium iudicium Commisariorum in Urbe, exceptis Iudicibus Romanae Curiae, ordinariis vel delegatis, qui habent Notarios proprios, officiales perpetuos, & Sanctae Romanae Ecclesiae Cardinalibus, quoad causas coram eis vertentes, & commissas, in quibus Notarios eorum deputare valeant, dummodo sint authentici, & legitime creati, qui etiam Cardinales quoad omnia eorum personas concernentia, intelligantur excepti ab observatione praemissorum, necnon Auditore Sacri Palatii nostri, & Camerae Apostolicae, & eorum Locatenentium, in eorum personas tantum concernentibus. Faciantque & constituant ipsi Scriptores inter se Collegium cum communi Arca, seu bursa, ac omnia emolumenta, ratione dicti officii quomodolibet provenientia, ponant in communi, & in fine Mensis cuiuslibet seu alterius temporis per eos ordinandi, huiusmodi emolumenta inter se communiter dividant, exceptis decem magistris correctoribus, quorum unusquisque portionem unam cum dimidia accipiant, tam de emolumentis massa, quam de his provenientibus, quae ex admissione, & receptione novorum Scriptorum inter Scriptores receptioni interessentes dividuntur.

§.14. Constitutionesque & statuta inter se iusta, & honesta condere valeant, etiam cum poenarum adiectione, dum tamen in gravamen Curiae non tendant, vel Curialium iacturam & detrimentum.

Legitimant Bastardos in dominio Papae.

Interpretes testium, &c. sint.

Notariisque omnium iudicium non habentium proprios Notarios exceptis Cardd.

Statuta condere pro se possunt.

§.15. Sint-

Familiares Pape privilegio fruuntur.

§.15. Sintque ipsi, & successores eorum nostri, & successorum nostrorum praedictorum veri familiares continui commensales Palatini, & in quibuscumque scripturis, literis Apostolicis, ac actibus tales se scribere, & nominare, ac ab aliis scribi, & nominari possint & debeant, nec propterea possint de subreptione notari, vel argui tales literae, nec quoad eas regula de mentibus, si familiares, locum habeat, Et pro eorum personis dumtaxat, quascumque literas Apostolicas, gratiam seu iustitiam concernentes, in omnibus officiis, etiam sollicitatorum eadem literarum gratis expediant, gaudeantque omnibus & singulis antelationum prerogativis, privilegiis, favoribus, exemptionibus, immunitatibus, libertatibus, gratiis, concessionibus, facultatibus, & indultis, quibus literarum Apostolicarum Abbreviatores, & Scriptores, necnon nostri, & successorum nostrorum eorumdem familiares continui commensales pro tempore descripti, etiam in quorumcumque beneficiorum, quae vigore gratiarum expectatarum eis concessarum, pro tempore spectant affectatione, utuntur, potiuntur, & gaudent, ac uti, potiri, & gaudere poterunt quomodolibet in futurum, non solum ad eorum instar, sed pariformiter, & absque ulla differentia. Sine tamen Abbreviatorum, & Scriptorum, ac familiarium descriptorum, ac Auditorum Causarum Palatii, & Clericorum, ac Referendariorum praedictorum. Mandantes in virtute sanctae obedientiae, ac sub excommunicationis latae sententiae poena, quam nisi pariter, eo ipso incurrant, Rescribendario, & aliis literarum Apostolicarum Scriptoribus, Abbreviatoribus, Sollicitatoribus praedictis, plumbi, & registri magistris, ac Secretariis nostris, nunc & pro tempore existentibus, ac quibuscumque aliis ad quos pertinet, & in posterum pertinebit, quatenus literas Apostolicas personas dictorum Scriptorum Archivi dumtaxat concernentes huiusmodi, in omnibus eorum officiis gratis expediant, ponendo videlicet, Gratis pro Scriptorum Archivi Romanae Curiae.

Officia eorum resignabilia sint.

Decretum ir- rucans.

§.16. Volentes, & eadem auctoritate statuantes, quod liceat dictis Scriptoribus de eorum officiis, & emolumentis, ad instar aliorum Scriptorum disponere, illaque resignare, & illi quibus eadem officia concessa fuerint, pro concessione huiusmodi officii quam a nobis, & successoribus praefatis obtinebunt, dum huiusmodi officia per resignationem vacabunt, nobis, & successoribus eisdem quinquaginta ducatos auri de Camera persolvere teneantur, quodque ad huiusmodi officia per solam supplicationem desuper, per nos, & successores praedictos, ac de nostro, & successorum praedictorum mandato signatam, absque aliarum Apostolicarum desuper expeditione, si illas expedire noluerint, admittantur.

§.17. Decerentes ex tunc, tam confessionalia, quam omnes contractus, & in-

strumenta huiusmodi, quae super quibuscumque negotiis, & rebus, per quascumque personas, cuiuscumque dignitatis, & conditionis fuerint, aliter quam, ut praefertur, acta, gestave fuerint, nullius roboris vel momenti existere, nullamque eis fidem adhiberi, & falsitatis vitio subiacere, nec contrahentes ipsos ad eorum observantiam ligare, aut alicuius tribuere, sique per quoscumque Iudices, tam ecclesiasticos quam seculares, etiam Auditores, & Sanctae Ecclesiae Cardinales praefatos, ac quoscumque alios iudicari, interpretari, & decidi debere, sublata eis, & cuilibet eorum quavis alias iudicandi, & interpretandi, & decidendi facultate, ac irritum & inane, si secus super his a quoquam, etiam per nos, quavis auctoritate, scienter, vel ignoranter contigerit attentari.

§.18. Non obstantibus Constitutionibus, & ordinationibus Apostolicis, ceterisque contrariis quibuscumque. Nulli ergo, &c. Si quis autem, &c. Datum Romae apud Sanctum Petrum, Anno Incarnationis Dominicae millesimo quingentesimo septimo, Kalendis Decembris Pontificatus nostri Anno quinto.

Dar. P. A. 5. 1. Decem.

Ego Julius Catholicae Ecclesiae Episcopus manu propria subscripsi.

Pape subscripsio.

- Ego Oliverius Episc. Ostien. manu propria subscripsi.
Ego Georgius Episc. Portuen. Card. Portugalliae manu propria subscripsi.
Ego Raphael Episc. Sancti Georgii Camerarius.
Ego Jo. Antonius Episc. Praenestinus manu propria subscripsi.
Ego G. Episc. Albanen. manu propria subscripsi.
Ego Dominicus tit. S. Marci Presb. Card. manu propria subscripsi.
Ego Jacobus tit. S. Clementis Presbyter Card. manu propria subscripsi.
Ego Petrus tit. Sancti Cyriaci in Thermis Card. Reginus, manu propria subscripsi.
Ego F. tit. SS. Nerei, & Achilei Presb. Card. Cusentin. manu propria subscripsi.
Ego Antonius tit. S. Stephani in Coelio Monte Presbyter Card. manu propria subscripsi.
Ego Franciscus tit. S. Susanna Presb. Card. manu propria subscripsi.
Ego Nicolaus tit. S. Prisca Presb. Card. de Flisco, manu propria subscripsi.
Ego Melchior tit. S. Nicolai iuxta Imagines Presbyter Card. Brixien. manu propria subscripsi.
Ego F. tit. S. Adriani Presbyter Card. de Claromonte, manu propria subscripsi.
Ego G. tit. S. Petri ad Vincula Pres. Card. Vicecancellarius, manu propria subscripsi.

Cardinalium subscripsio.

Ego

Ego M. tit. Sanctæ Mariæ in Transtiberim Presbyter Card. manu propria subscripsi.
 Ego R. tit. S. Anastasie Presbyter Card. Nanneten.
 Ego F. tit. S. Cæcilie Presb. Card. Papien. manu prop.
 Ego Gabriel tit. S. Prædix Presb. Card. manu prop.
 Ego F. tit. S. Sabinæ Presb. Card. manu prop.
 Ego Jo. S. Mariæ in Aquiro Diac. Cardin. de Columna, manu prop.
 Ego Joannes S. Mariæ in Domnica Diac. Card. de Medicis, manu prop. scripsi.
 Ego F. S. Theodori Diac. Card. de Sancto Severino, subscripsi.
 Ego Julius S. Angeli Diac. Card. de Casarini, manu prop. subscripsi.
 Ego A. S. Eustachii Diac. Card. de Farnesio, manu prop. subscripsi.
 Ego M. S. Mariæ in Porticu Diac. Card. Cornelius, manu prop. subsc.
 Ego S. S. Mariæ Novæ Diacon. Card. de Gonzaga, manu prop. subscripsi.

XX.

Sequitur declaratio prædictæ Constitutionis.

JULIUS EPISCOPUS
SERVUS SERVORUM DEI

Ad perpetuam rei memoriam.

Exordium.

Apostolatus officium, licet immeriti, gerentes in terris, ad ea libenter prospicimus, per quæ Christiani inter se secure versari, ac fideliter contrahere possint, & ad ea peragendum operosis studiis intendimus, ut sublatis vitis, & erroribus eliminatis, iusti mores in Ecclesia spona nostra instituantur, qui veræ & sempiternæ laudis fructum afferant &c.

Declaratio quod Judices Commissarii in Urbe, aliis Notariis utri non possint.

§. 1. Ac volumus, quod Judices Commissarii prædicti ad scribendum in causis & litibus eis auctoritate Apostolica commissis & committendis quibuscumque, & coram eis vertentibus, Scriptoribus ipsis notariis actuariis deinceps utantur, nec alios ad scribendum in illis coram se admittere possint, scripturæque acta, processus, & instrumenta in causis hujusmodi coram eis faciendâ, si per alios quam Scriptores prædictos subscripta erunt, nullius sint roboris, vel momenti, nullaque penitus fides his adhibeatur. Quodque tam ipsi Commissarii, quam dilecti filii sacri Palatii causarum auditores Capellani nostri, ceterique ipsius Curie Judices, alios interpretes præter ipsos Scriptores ad interpretandum testes, vel scripturas coram se adhibere nequeant.

Et quod nemo alius possit in Curia notarios creare, aut dâllare, deos legitime.

§. 2. Ac quod nulli omnino hominum liceat vigore quorumcumque privilegiorum eis auctoritate Apostolica vel alias quomodolibet concessorum & conceden-

dorum in dicta Curia, & infra unam dictam legalem ab Urbe, seu loco ubi ipsum Romanum Pontificem cum sua Curia pro tempore residere contigerit, tabelliones & notarios creare, ac nothos & illegitime conceptos natalibus restituere, aut creari, vel restitui committere, ac processus prædictos tulminare, decernentes irritum & inane quicquid in contrarium contigerit attentari per quoscumque &c.

Quibuscumque non obstantibus.

§. 3. Non obstantibus constitutionibus, & ordinationibus Apostolicis, ceterisque contrariis quibuscumque. Aut si aliquibus, communiter vel divisim, ab eadem sit Sede indultum, quod interdici, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem, & quibuslibet aliis privilegiis, indulgentiis, & literis Apostolicis, generalibus vel specialibus quorumcumque tenorum existant, per quæ præsentibus non expressa, vel totaliter non inserta, effectus prædictarum vel præsentium literarum impediri valeat, quomodolibet vel differri, & de quibus, quorumque totis tenoribus de verbo ad verbum habenda foret in nostris literis mentio specialis, quæ quo ad hoc cuiquam volumus nullatenus suffragari.

Forma & effectus hujus bullæ.

§. 4. Ut autem præsentibus, & aliæ nostræ literæ præfate ad omnium notitiam deducantur, ac per omnes inviolabiliter observari debeant, volumus, & mandamus illas in Cancellaria Apostolica, ac audientia literarum contradictarum nostrarum legi, & publicari, ac in Basilicâ Principis Apostolorum, & Cancellariæ præfate, necnon Audientie causarum, nostri Sacri Palatii valvis sive portis & in in acie Campi Floræ de Urbe affigi, ut hi quos literæ ipsæ concernunt, seu concernere poterunt quomodolibet in futurum, quod ad ipsorum notitiam non pervenerint, vel illas ignoraverint, quominus eos arceant, perinde, ac si eis personaliter intimatæ forent, nullam possint excusationem prætere, vel ignorantiam allegare, cum non sit verisimile quoad ipsos remanere incognitum, quod tam patenter fuit publicatum. Nos enim irritum decernimus, & inane quicquid contra præmissa, vel aliquod eorum a quoquam quavis auctoritate, directe, vel indirecte contigerit attentari.

Nulli ergo &c.

Datum Romæ apud Sanctum Petrum, Anno Incarnationis Dominicæ millesimo quingentesimo septimo, Idibus Decembris, Pontificatus nostri anno quinto.

D. P. An. 5. 13. Decemb.

De

XXI.

De portionibus fructuum ex Beneficiis Militie de Calatrava Cisterciensis Ordinis communi thesauro debitis, certis dumtaxat casibus expendendis.

JULIUS EPISCOPUS

SERVUS SERVORUM DEI

Ad perpetuam rei memoriam.

Exordium.

Romani Pontificis, in quo divina dispositione plenitudo consistit, providentia circumspicua statum personarum religiosarum quarumlibet, præsertim sub regularibus militis pro fidei catholice defensione continue infudantium diligenter attendens, ad ea libenter intendit, per quæ earumdem militiarum, & personarum paci, quieti, & tranquillitati valeat provideri, & iis quæ propterea provide statuta, & ordinata fuisse dicuntur, ut firma perpetuo, & illibata persistant, cum ab eo petitur, Apostolici adicit muniminis firmitatem, aliasque desuper ordinat, & disponit, prout Catholicorum Principum exposcit devotio, idque personarum, & temporum qualitate pensata, prout in Domino conspicit salubriter expedire.

Leges nonnullæ proinde hujus Militie late.

§. 1. Sane pro parte charissimi in Christo filii nostri Ferdinandi Aragonum & Sicilie Regis illustris, qui Militie de Calatrava Cisterciensis Ordinis Toletanæ diocesis, per Sedem Apostolicam perpetuus administrator deputatus existit, nobis nuper exhibita petitio continebat, quod alias dilectus filius Guterris de Padilla major nuncupatus, ac dicti Ferdinandi Regis Administratoris, etiam in spiritualibus Vicarius Generalis, & nonnulli alii Præceptores, Priores, & fratres dictæ Militie, ad hoc in unum congregati, provide attendentes, quod ipsa Militia, & illius personæ in suis privilegiis, exemptionibus, immunitatibus, & aliis gratis, tam per Sedem Apostolicam, quam per diversos Castellæ, & Legionis Reges eis concessis, magna quotidie a circumvicinis Ducibus, Marchionibus, Comitibus, Baronibus, Archiepiscopis, Episcopis, & aliis Ecclesiarum Prælatibus, Communitatibus Civitatum, Universitatibus, oppidorum Dominis temporalibus, & personis aliis Ecclesiasticis, & secularibus, sustinebant damna, injurias, & jacturas, ac dicta Militia pro præmissorum, & aliorum suorum jurium defensione, adversus injuriatores hujusmodi, nullos habebat speciales proventus, ac mature considerantes, quod si ex mensæ magistralis, & officiorum, ac Præceptoriarum, Prioratum, & aliorum beneficiorum dictæ Militie pro tempore vacantium fructibus, redditibus, & proventus, aliqua portio ad effectum hujusmodi deputaretur, possent Militia, ejusque personæ privilegia & alia jura hujusmodi, ab injuriis & damnis, protegi, atque defendi.

Tom. III. Par. III.

§. 2. Volentesque præmissis opportune providere statuerunt, & ordinarunt, quod ex tunc de cetero perpetuis futuris temporibus, quarta mensæ Magistralis, tertia vero majoris nuncupata, ac aliarum Præceptoriarum, necnon officiorum, Prioratum, & aliorum Beneficiorum dictæ Militie in prædictis, ac Aragonie, & Valentie Regnis consistentium, quoties illa & ipsius militie magistratum, simul, vel successive, per cessum vel decessum, seu quamvis aliam dimissionem, illa obtinentium, præterquam ex causa permutacionis, pro tempore vacare contingeret, fructuum, reddituum, & proventuum cujusque primi anni partes, in prædictos & alios licitos & honestos usus, tunc expressos, & non alias, convertendæ, eidem Militie, sive ejus thesauro deberentur, & illius propriæ essent, & esse censerentur.

Certa Portio reddituum Beneficiorum thesauro ad dicta.

Dari Depositioni.

§. 3. Ac per duos dictæ militie præceptores, seu Priores vel fratres, fide, & facultatibus idoneos, in Capitulo generali dictæ militie ad id eligendos, percipi, & colligi, & sub eorum custodia conservari, & de illis, sub certo modo & forma tunc expressis ratio reddi deberet, ac illis, vel eorum altero decedentibus, alius, seu alii idonei eorum loco, per Magistrum, seu Administratorem dictæ Militie pro tempore existentem, vel ejus Vicarium generalem, in capitulo particulari ad id congregando, donec per dilectos filios generale Capitulum dictæ Militie, aliter provisum & ordinatum fuerit, substitui, & subrogari possent.

Et in quocumque usui converti debeat, præmissum.

§. 4. Ipsaque bona penes dictos Custodes pro tempore existentia per eosdem custodes in alios, quam prædictos usus, cujusvis etiam magistri, & aliorum Superiorum dictæ militie pro tempore existentium, mandati, & correctionis pretextu, aut vi, vel metu, etiam qui in constantem cadere possent, vel alia quacumque occasione exponi, etiam in dictæ Militie magis utiles usus, (nisi bona thesauri hujusmodi summam quinque millium & quingentorum ducatorum auri excederent) converti, aut Magistro vel superioribus suis præfatis assignari non possent.

Secus agentes penes additi.

§. 5. Ac bona prædicta ab eisdem custodibus aliter petere, vel extorquere præsumentes, aut ad id auxilium, consilium, vel favorem præstantes, cujuscumque status, & præminentie forent, excommunicationis late sententiæ penam eo ipso incurrant, a qua nisi plena, & integra solutione & restitutione prævia, absolvi non possint.

Quid agendum sit pluribus eodem anno vacationibus eisdem beneficiorum occurrentibus, de claratum.

§. 6. Ac Magistratus, Præceptoriarum, Prioratum, officiorum, vel aliorum Beneficiorum prædictorum pluribus vacationibus eodem anno occurrentibus, quoad partium fructuum hujusmodi solutionem, vel appropriationem, pro una dumtaxat vacatione censi, & annus a prima vacatione eorumdem computari debeant.

Aucto thesauro ad certam summam, quomodo expendenda sit.

§. 6. Cum vero dictus thesaurus summam quinque millium & ducentorum ducatorum.

Qq

catorum auri hujusmodi excederet, totum id quod ultra dictam summam ibidem esset, in emptionem possessionum, & aliorum bonorum immobilium, aut liberationem aliorum bonorum dicte Militie, que alias pignoratata, vel hypothecata fuissent, expendi; ipsa bona sic empta, aut alias liberata, & recuperata mensa magistrali, seu Præceptoris, Prioratus, officii, & aliis beneficiis dicte Militie pro tertia & quarta partibus respective ad dispositionem Capituli generalis hujusmodi applicari deberet.

Ferdinandus Rex d. Militie administrator, & prædicta statuta approbavit.

Qui eadem, approbati, & alia hic enumerata concedi supplicat huic Pontifici.

§. 8. Ipseque Ferdinandus Rex, & administrator, statutum, & ordinationem hujusmodi approbavit, & confirmavit, prout in instrumentis publicis desuper confectis dicitur plenius contineri.

§. 9. Quare pro parte dicti Ferdinandi Regis Administratoris, adherentis curam animarum parochianorum Ecclesiarum infra limites patrimonii præfate Militie consistentium, hæcenus per presbyteros sæculares ad nutum pro tempore existentis Magistrum, seu perpetui Administratoris, seu Præceptorum ejusdem militie, in singulis Ecclesiis domorum, seu locorum, Præceptoriarum respective amovibiles exerceri, ipsosque presbyteros ad curam hujusmodi suscipiendam & exercendam per Magistrum, seu administratorem, vel Præceptores præfatos, locorum ordinariis præfentari, & dictos Ordinarios, dicte curæ exercentium sic præfentatis presbyteris committere consueville, nobis fuit humiliter supplicatum, ut statuto, ordinationi, approbationi, & confirmationi prædictis, pro illorum substantia, firmiori, robur Apostolicæ confirmationis adiacere, ac alias in præmissis opportune providere de benignitate Apostolica dignaremur.

Julius illa omnia approbat, atque concedit.

§. 10. Nos igitur hujusmodi supplicationibus inclinati, statutum, ordinationem, approbationem, & confirmationem prædicta, ac prout illa concernunt, omnia, & singula in dictis instrumentis contenta, auctoritate Apostolica tenore præsentium, approbamus, & confirmamus, ac perpetuæ firmitatis robur obtinere debere, & inviolabiliter observari decernimus, suppletentes omnes, & singulos defectus, si qui forsan intervenerint in eisdem. Ac pro potiori cautela, ea omnia & singula, de novo etiam, sub excommunicationis lætæ sententiæ pœna, eo ipso incurrenda hujusmodi, necnon, quod de cetero perpetuis futuris temporibus, nonnisi fratres presbyteri dicte Militie in Capellanos ad exercitium curæ animarum parochianorum prædictorum deputari possint, ipsique fratres presbyteri pro tempore deputati curam animarum dictorum parochianorum exercendi, & ab eis confessiones audiendi, & illis Eucharistiæ Sacramentum, & alia ecclesiastica Sacramenta ministrandi, & nuptias benedicendi, prout hæcenus prænominati presbyteri sæculares facere consueverunt, & alia omnia & singula, quæ ad Rectores

parochialium Ecclesiarum, de jure vel consuetudine spectant, & quæ ipsi facere possent, faciendi abique aliqua præsentatione, seu dictorum Ordinariorum deputacione, licentia, vel consensu, plenam & liberam facultatem habeant, auctoritate præfata tenore præsentium statuimus, & ordinamus.

§. 11. Ac omnia & singula privilegia, indulta, exemptiones, immunitates, spiritalia & temporalia, dicto Cisterciensi Ordini, illiusque personis & locis, in genere hæcenus per Sedem prædictam concessa, approbata, & confirmata, ac etiam iteratis vicibus innovata, quæ in usu sunt, ad eandem Militiam, illiusque Magistrum, Priores, Præceptores, personas Ecclesiasticas, & loca, familiares, & vasallos, præfentes & futuros, extendimus, & ampliamus, eaque illis expresse concedimus.

Privilegia Ordinis Cisterciensis communicat.

§. 12. Non obstantibus constitutionibus & ordinationibus Apostolicis, statutis quoque & consuetudinibus, stabilimentis, usibus, & naturis, Militie & Ordinis prædictorum juramento, confirmatione Apostolica, vel quavis firmitate alia, roboratis, necnon quibusvis privilegiis, indultis, & literis Apostolicis, Militie & Ordini prædictis, sub quibusvis verborum formis concessis, confirmatis, & pluries innovatis, quibus etiam si pro eorum sufficienti derogatione, de eis eorumque totis tenoribus specialis, specifica, expressa, individua, ac de verbo ad verbum, non autem per clausulas generales id importantes, mentio, seu quævis alia expressio habenda foret, tenoris hujusmodi, ac si de verbo ad verbum insereretur, præfentibus pro sufficienter expressis habentes, illis alias in suo robore permanentibus, hac vice dumtaxat, specialiter & expresse derogamus, ceterisque contrariis quibuscumque.

Contrariis quo omnibus derogat.

§. 13. Ceterum quia difficile foret, Regi, Administratori, ac Prioribus, Præceptoribus, fratribus, & aliis personis prædictis, singulas literas Apostolicas, super privilegiis, & aliis gratiis, dicto Ordini concessis, & per nos, ad eos ut præfetur, extensis, ut illis uti possint, apud se habere, & ad loca ubi expediens foret, deferri facere, volumus, & præfata Apostolica auctoritate decernimus, quod ipsarum literarum singularium transumptis, publici notarii subscriptione, & aliquis Curie Ecclesiasticæ, seu Archiepiscopi, vel Episcopi sigilli impressione munitis, ea ubique fides adhibeatur indubia, quæ eisdem literis originalibus adhibetur, ubi essent exhibitæ vel ostensæ.

Transumptis fidei dari decernit.

Nulli ergo &c.
Datum Romæ apud Sanctum Petrum Anno Incarnationis Dominicæ, millesimo quingentesimo octavo Kalendis Aprilis, Pontificatus nostri anno quinto.

D. P. A. 5. 1. Aprilis.

Quod

Quod totalis obedientia Ordinis Cartusien. perpetuo sit sub Priore Majoris domus Cartusie, & Definitorum Capituli Generalis.

De hujus Ordinis confirmatione, & aliis ipsum concernentibus inspicere notata supra apud Alex. III. Constitut. LXXXVIII. Cum vos, pag. 446. Tom. II.

JULIUS EPISCOPUS SERVUS SERVORUM DEI

Ad perpetuam rei memoriam.

Procurator.

DUM ad fructus uberes, quos Cartusien. Ordo in agro militantis Ecclesie plantatus, velut arbor bona, produxit hæcenus, & producit, considerationis nostræ oculos extendimus, & attendimus, quod dicti Ordinis profectores, mortui mundo, sed Christo, qui est vera vita, viventes, pro universali salute fidelium incessanter ad Dominum preces effundunt, dignum, & congruum exultamus, illa provide concedere, per quæ illius profectores, omni dissensionis, & inobedientiæ fomite semoto, sinceris valeant Domino mentibus inservire.

Universus Ordo subest obedientie Prioris Majoris domus Cartusie, & Definitorum Capituli Generalis, & saliter fieret, ad laxiorem vivendi modum Ordo declinaret.

§. 1. Sane pro parte dilectorum filiorum Francisci Prioris Majoris domus Cartusie Gratianopolitane Diocesis, ac Definitorum Capituli Generalis dicti Ordinis nobis nuper exhibita petitio continebat, quod licet omnes domus dicti Ordinis, extra, & ultra montes, ac ubilibet existentes, illarumque fratres, sub una obedientia, videlicet Prioris prædictæ domus Cartusie, & Definitorum dicti Capituli Generalis pro tempore existentium, existant; ut quos una Religio, & professionis vinculum alligavit, nulla æmulatio, nulla præfidentis ambitio, aut quævis alia causa ab invicem dividere debeat, sed caritatis vinculum in unitate pacis eos conservare; tamen quia humani generis inimico, qui propter invidiam inter primos parentes superbia fomitem, & æmulationem seminavit, procurante, & instigante, contingere posset, quod aliqui Fratres dicti Ordinis tentarent aliis obedientiis subiacere, & ab eorum vero superiore, & capite discedere, ex quo eorum desiderium si effectum fortiretur, non solum eorum, sed aliorum Fratrum dicti Ordinis animarum periculum immineret, & eveniret, ac etiam ipsa Religio in dies scissuram pateretur, & successu temporis, ipsa Religio, quæ inter ceteras asperioris seu strictioris observantiæ existit, paulatim ad laxiorem vivendi modum declinaret, in ipsius Religionis vili-pendium, & depressionem.

Supplicatur ergo Pontifici, ut desuper providere dignetur.

§. 2. Quare pro parte Francisci Prioris, & Definitorum prædictorum nobis fuit humiliter supplicatum, ut omnes, & singulas personas dicti Ordinis, cujuscumque gradus, status, conditionis, vel præminentie in ipso Ordine, nunc & pro tempore Tom. III. Part. III.

existentes, metu censurarum a præmissis coercere, & cum ex diversis aliis Ordinibus, etiam Mendicantibus, quamplures ad ipsum Ordinem Cartusien. utpote strictioris observantiæ, & Religionis transeant, quod ipsi sic transeuntes parem cum ipsis Fratribus dicti Ordinis Cartusien. statum, & fructum habere possint, ac alias in præmissis opportune providere de benignitate Apostolica dignaremur.

Qui prope-rea id oennis adjectis prohibet.

§. 3. Nos igitur, qui Ordinem prædictum, & illius personas, non cessantes in humilitatis spiritu, & contemplatione sublimium Domino famulari, in visceribus gerimus caritatis, Franciscum Priorem, & Definitorum præfatos, ac eorum quemlibet a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure, vel ab homine, quavis occasione, vel causa latis, si quibus quomodolibet innodati existunt, ad effectum præsentium dumtaxat consequendum, harum serie absolventes, & absolutos fore censentes, hujusmodi supplicationibus inclinati, quod omnes, & singulæ personæ dicti Cartusien. Ordinis cujuscumque gradus, status, & conditionis, vel præminentie sint, vel fuerint nunc in ipso Ordine, & pro tempore existentes, quæ per se, vel alium seu alios directe, vel indirecte, publice, vel occulte procuraverint aliquam divisionem, in ipso Cartusien. Ordine, seu exemptionem al quarum domorum dicti Cartusien. Ordinis, & ipsius Ordinis, Fratrum a communi obedientia Prioris, & Capituli generalis prædictorum, eo ipso omnibus obedientiis, & officiis in ipso Cartusien. Ordine perpetuo privati, & ad similia, obedientias, & officia perpetuo inhabiles existant, ac omnibus, & singulis privilegiis, libertatibus, immunitatibus, gratiis, & indultis, eidem Cartusien. Ordini, & illius personis, in genere, vel in specie, quomodolibet concessis, & concedendis, sine spe rehabilitationis ad illa, perpetuo careant, literæque Apostolicæ desuper impetrandæ, gratiam sive justitiam concernentes, nullius sint penitus roboris, vel momenti, auctoritate Apostolica tenore præsentium perpetuo statuimus, & ordinamus. Decernentes ex nunc irritum, & inane, quicquid secus super his a quoquam, quavis auctoritate, scienter, vel ignoranter contigerit attentari.

Et prædictis Priori, & Capitulo generali, dat facultatem dispensandi, cum Fratribus Ordinis, etiam ex aliis Ordinibus ad eum translatis.

§. 4. Ac eisdem Priori, & Capitulo generali, dum pro tempore celebrabitur, seu illius Definitoribus pro tempore existentibus, quod ipso Capitulo generali durante, cum quibusvis personis, & Fratribus dicti Ordinis Cartusien. etiam si ex aliis Ordinibus, etiam mendicantibus ad ipsum Ordinem Cartusien. transiverint, si alias ad hoc habiles fuerint, usque ad quascumque dicti Ordinis Cartusien. obedientias, etiam curam animarum Fratrum dicti Ord. Cartusien. habentes (si aliud impedimentum canonicum non obstat) assumi, & illas exercere, ac locum, & vocem activam, & passivam, tam in d. Capitulo generali, quam

Q q a